

忽上員嶠方壺洲塵中酒香怕撲鼻且噴碧玉門前流
席上分韻得東

上鐙時節好簾櫳簾外修廊窈窕通一樹櫻花微笑未
春濃欲雨欲煙中

十日長岡雲海貴爵讀美水莊賦得隔江看花

夾岸春風錦浪回白雲終日對樓臺鬢聞商女後庭唱
太勝劉郎前度來水上鶯聲流到坐空中花氣盞浮杯
當闌多少游人舫潮拍篷窗不肯開

席上分主人原作韻得第二首第七首

笠檐蓑袂好生涯看盡雨中春樹花欲向汀洲搖槳去

煙波便是白鷗家

煙空濛處月高低知是花迷是客迷照水春鐙三四點
歌聲猶在夜櫻隄

花後玉池翦燭集席上作

幽約壺觴復此尋萬花落盡一廊深夕陽猶自濃於水
清簾疏簾看綠陰口占一絕

連日芳茵倒綠尊一鷓啼後乍銷魂落花種種仍依草
春在詩人屐齒痕分韻得元

醒惺忪又睡瞢騰雖有詩情醉不能十日依稀惟記得
夢中花影酒中鐙和石埭原韻

十五日一半兒集席上分韻得紅

夢裏春光強半風濃陰忽已罷房櫺今年酥雨偏憐惜
留得櫻花十日紅

念三日如蘭會席上分綠樹重陰蓋四鄰青苔日
厚白無塵爲韻余得四字

夢蝶無蹤賞心地啼鶻不了銷魂事萬綠催春隨水流
仍浮花片紅三四

念七日下村自知房招飲皆香園卽次香國保津
川詩韻以賦謝

杜鵑啼度清谿東豐碑一角松蔚蔥百年雨墮硯山淚

中興人物推渠雄碑畔一亭枕碧水木明瑟苔煙籠
悠然觀魚抵濠濮便忘人間窮與通自知居士午冒雨
喚我新綠濛濛中笠屐蕭條挈壺榼晚櫻自落茶簾風
坐中香國舊花史健筆橫掃風雲空去年寶津作長句
倒流三峽詞源工卽今興來重疊唱爲君更欲紀巨功
保公雄風那難繼功成可勒碑穹窿嗟余銜杯徒躑躅
對花但覺醅顏紅

二十九日值皇長孫降誕敬賦長律八韻志慶

儲副重明日神孫載誕辰熏風灑椒殿紫氣繞楓宸產
幄鷓茅合祥符木菟臻苜蒲雲乍發菌苔露初勻惟昔

光膺命于京慶日嬪鳴朝效鸞鳳周歲抱麒麟燕翼貽
謀盛龍顏動喜頻普天綵賦詠率舞頌振振

暮春送人限韻

細雨平橋記解攜春隨人去草萋萋回頭昨日看花地
流水無聲鳥亂啼

江南春去惜分攜最是銷魂綠草萋中有鷓鴣行不得
子規啼後盡情啼

五月初五雨日陶庵通侯招飲觀躑躅花坐間有
客談及金聖歎唐才子詩之說因戲用其體卽興
口占

牡丹纔謝紫藤垂怕看薔薇臥晚枝憑仗杜鵑花似火
禁持梅子雨如絲藏于金屋應殊品開向侯門倍豔姿
一種雪然還可愛熏香侍女笑低帷

端陽後一日夢山樞密招飲星岡茶寮是日會者
十九人因口占絕句卽如其數

昨雨霑恩拜建章天家慶事恰端陽澹晴今日林亭酒
猶帶豐明殿裏香

山石榴花紅欲然水菖蒲葉碧如煙文茵平展斜暉外
茗氣簾空響一鷗

一樓笑語拓軒窗猶有春風動玉缸花夢惘然鶯欲老

壓檐新樹綠幢幢

霓裳同詠擘雲箋誰似雙芝之字字鮮現出五城樓十二
詩人餘事即神仙

水聲九十九橋分三十六年萍與雲禪榻蕭蕭今日鬢

那堪憶到杜司勳大島怡齋詩有尊前不見杜樊川句謂丹羽花南也

當年黃九善填詞紅藥梢頭繭栗時久絕人間廣陵散

破禪盃復一為之薄井小蓮雅工小令

颯爽鬚髯笑自掀山人聲價市朝諠平生覓句陳無已

不合詩成獨閉門戲國分青厓也

北闕尚書訪舊蹤遲生恨不執鞭從江南還醉隨園酒

解道漁洋是正宗本田種竹瓣香新城前在燕都過其瑠璃廠故邸有七律四章以志景慕

麗都徵逐有三香土居香國大江敬香上夢香竝轡聯鑣詩酒場也似當年

三十六惟將名字換排行

有緣官閣尚同袍回首樞司舊簿曹關地巖昔同官樞府誰撫條公遺

愛樹吟聲夜月出牆高高島九峰今在樞府

落落長松照坐隅詩人晚翠擅江湖田邊松坡夙參晚翠吟社聞言耆舊

多新語值得槎頭縮項無

棊几湘簾一一妍碧梧修竹俗氛蠲商量詩句清如許

應是襄陽孟浩然關澤霞庵亦會入晚翠社

一吟雙淚感無端月下推敲大是難屈指闔仙薶骨後

十年落葉滿長安

一東石如與神波即山善即山遊後
已經十年登前談往不覺愴然故云

片帆昨已拂雲來
煮海齊煙九點開
他日蜀江回雪浪

須尋赤甲白鹽堆

手島海雪為鹽業協會
委員去年歷游清國

原憲生涯甘隱淪
如何開口輒言貧
知君半是寒暄話

莫把詩篇苦認真

巖翁袋川詩多
用貧字故戲之

殷勤贈芍怨將離
想見驪歌欲發遲
收拾簾前紅豆子

忍教鸚鵡啄相思

永井禾原著泚水
歌此詩別有所指

厭飫平原膏澤濃
緣情文賦壓吳儂
而今洛下名聲諫

還有雲間陸士龍

禾原三橋兄弟齊
名故以二陸擬之

蕊珠春雪玉孱顏
神致儵然不可攀
自是君詩翠于掃

明漪絕底寫青山

永阪石埭詩秀絕
實區是日神品

古詩十九婉多風
興到新詞愧未工
天籟休將人籟較

不妨好句偶然同

禾原讀山石榴花一首曰曾在濕上有一清人持贈納扇上書
安石榴花紅似火細萬蒲葉碧如煙抑何相似之甚也故及

翦燭集席上次禾原原韻

記在虹橋煙水前
誦君清麗句芊緜
衫分楊柳千絲綠
帕裏櫻桃萬顆圓
翦燭今逢校書舊
品詩終讓語花妍
平心商定羣芳譜
誰配瀛洲第一仙

泰堂招飲于畫舫
繡簾之樓席上放
言即用原韻

寧速猿鶴請敢違
鷗鷺盟此心有如
水涇渭元自明如
何觸熱者胸或芥
蒂橫往往遭噂沓
為我偷虛聲戈矛

動難避溝澮恐易盈忽然闢雲霧把臂天下英詩有李
杜契學任洛蜀爭要皆君子事不愧清流清主人笑進
酒盃把兕觥傾樓上管絃涌樓下寒潮生莫負及時樂
楊柳依依情茲游乃千古大笑可絕纓

夏日星岡茶寮卽景賦似翦燭諸吟盟

茗煙依舊受風輕春去不知何處行三徑蒼苔微有氣
四環碧樹漸無情山幽已覺鳴禽變竹響眞疑驟雨成
卻是關心神事近星祠燈火動簾旌

又次三橋原韻

須教蠟炬灰不用竹絲催有酒殷勤待以詩終始陪霜

疏餘瘦鬢雨綻有肥梅任是黃昏早斯筵卜夜開

志賀矧川

重昂

招飲以鮮鯉魚下酒賦謝用少陵看

打魚韻

魚麗于窗澄碧津一盤勸客杯傾銀古來此物詫神化
三十有六之金鱗禹門桃浪誤一跌可憐割鬢難爲神
主人一笑爲我解有似志士窮風塵朝歌屠叟老鼓刀
仙游寧復望琴高休言大人善虎變魚服入網安能逃
羨君老饕誇第一滿腹文章豈蕭瑟何當騰躍天上行
雲霧晦冥莫相失

七月十日雙芝仙館翦燭集用壁幅佐久間象山

詩韻

禽鳴晚庭靜
梔子吹微香
光景常若新
風簾清且芳
雨痕逗幽篠
石氣蒙苔牀
小酌摘梅子
夏木圍千章
仙館創斯會
每覺詩思忙
翦燭十年矣
對酒恍已忘

又分韻得蒸

春來花下醉
騰騰別盡雙
芝仙館
鎧他日
西窗重話雨
一屏秋夢木犀蒸

石埭招飲酣雪亭分韻得東

詩襟涼受一樓風
合與冰壺濯魄同
好把并州快刀翦
西瓜酣雪剖玲瓏

八月三日挈兒健游鹽原途上景勝妙不可言即作

徑欲聳身飛作仙
崇巖幽岫碧鈎連
人家九曲翠屏裏
鳥道一條銀漢前
車轍疑行天上雨
水流霏作腳跟煙
也知山邃真無夏
處處啼鶯和亂蟬

有賀博士長雄在念佛庵是日一笑見迎備荷款遇率賦言謝

入洞暗如夢
出洞逢故人
青山白雲意
妙在澹以親
夕陽揖欲語
潭色青瀰淪
暖溜噴巖腹
幽竇藏古春
導我下蘿徑
拂我衣上塵
澡身未及拭
板屋壺觴陳
摯同雨

翦韭鮮矧霜膾鱗淵躍正潑刺廚割旋紛綸羨君夙離
垢闔宅栖嶙峋膝下粲兒女高堂眉若銀修仙無異法
惟此情性真我今挈犬子願卜劉雞鄰

宿楓川閣所謂鹽谿第一樓也槽泉清徹可鑑毛
髮走筆題此

任是風流葛稚川求沙句漏亦徒然金丹儻換詩人骨
那似鹽谿第一泉

妙雲寺

山名甘露瀑曰常樂寺係平重盛姨妙雲尼開創寺
後有九級塔存焉永祿中有殘夢道人者募緣鑄鐘

其疏今藏寺中

妙雲寺中妙姑塔青石漠漠老苔合我來問訊何因緣
似有谿聲暗相答平門白骨浪淘沙琵琶急響悲摧拉
會離生滅亦何有魚腹帝魂恨嗚咽姑也鐙籠大臣姨
豈無羅綺嬌閨閣不沈西海來阪東獨洗鉛華事雲衲
天寒竹裂盤石危視險若夷置禪榻乃將甘露作山名
上有飛泉森爽颯有時雨漲如建瓴砵崖轉石勢蹙蹙
疑是闔家淪沒時陰風鬼妾紛騰踏那知道心牢不動
靜啓幽扉藏怖鴿謂爲常樂亦殊奇一切安心如是法
賢于小松內府賢名應不朽恆沙劫九級浮圖衛夕陽

恨無碑字堪摹搨使人延佇不能去蒼茫立盡榛莽雜
催敲殘夢道人鐘祇園精舍還一市

題楓川樓壁

吐月峰頭曉月黃披雲峽口暮雲蒼蓬萊橋臥滄虹影
絕好樓居是古坊

歷觀諸瀑布口占

匡廬懸瀑莫能加杓突飛泉那足誇倒挽九天銀漢水
直騰十丈赤城霞

戲題天狗巖

句似徐凝亦已稀山靈應恨舊題非將軍石上奔湍怒

天狗巖頭霹靂飛

機織戶過故奧蘭田別墅

總帷風颺颯寒泉一卷鹽谿紀勝傳楓葉紅霑芳袖瀑
滿山猿鶴共淒然

須卷湯瀧

熱溜騰煙觸石回屏顏別闢小槽臺匹如赤日驪山浴
光抱空中樓閣來

源三洞

喬木參天樵路迷八幡祠外石高低攀蘿還叩源三洞
白日無光怪鳥啼

木葉石

湘淚斑筠理或該媧皇一鍊費驚猜幾時秋雨真能逗
木葉蕭蕭孕石胎

下山

枕流漱石畫圖間翠鳥啼時趁曉還松栝染人衫笠綠
谿山爲我兩潛潛

鹽原讀高尾碑作

古來豔稱美人里第一西施苧蘿水綠珠舊井昭君村
麗姝多出空谷裏帶川宛似若邪谿夾厓翠樹參差起
清流一道錦石明鏡中曾照嬋娟子自從玉質委泥沙

倚門羞學閒桃李聰明書句薛濤箋佳俠傳名紅拂妓
是何甲第擅豪華煮鶴焚琴從氣使此時恨少崑崙奴
芙蓉守紅水心死風流太守斬蛾眉七字留傳亦久矣
而我鹽竈摩殘碑始知絕豔產於此三日倚徧楓川樓
又開遺篋拂塵視熏香小像雕沈檀驚鴻舞袖疊輕綺
高尾遺物
今藏楓川樓物在人亡二百年依然谿水徹底泚兩三女伴
來浣紗翻恐爾容亦太美鴟夷一舸非善終金谷墜樓
誰禍始月明環佩青豕秋薄命紅顏只如是嗚乎薄命
紅顏只如是慎毋輕出河之涘

二十四日梅川樓伊藤壺谿黃道招飲席上即送其

再之杭州坐有李夢夢浙江寧波人爲談普陀之勝結故及

霑君衣上杭州酒頭銜思換煙波叟扁舟戴笠鏡中行
孤山梅花六橋柳絲絲遠道夢見之而今把臂還將離
暑須冷泉亭畔洗神向飛來峰下馳靈鷲山幽梵音斷
錢塘江潮森天漢何當我亦去聽經紫竹風生普陀岸
翦燭集分韻得蕭

賴有桃根桃葉邀西風枕簟小梅橋月中臺樹如銅雀
何日春深鎖二喬

又分韻得真是夕秋熱中人戲效李義山體

秋聲未覺動青蘋卻怪桂花香獨新一握霜
秋聲未覺動青蘋卻怪桂花香獨新一握霜
君恩仍在竹夫人

又觀海雪所攜歸湛若墨卷口占一絕

抱琴當日氣峻增想見崎人健筆凌雲舞綠鬢扶醉影
數行狂草別明鏡

靈揮娘事見
湛若亦雅

十月玉池一半兒集偶賦一律

煎茶煙裊筆牀頭竹裏斜庵是夢樓無月玉池星舫夜
未霜桂後菊前秋一鏡仄見微花笑曲徑幽通暗水流
休怪詩成塵骨換此君久向碧廊修

席上分韻得豪

天下英雄君與操世間無數小兒曹何須牀上爭牀下
人在樓頭百尺高

重陽後一日雙芝仙館小集賦七古一章兼寄懷
禾原在清國

井梧碧墜風颺然游子未歸秋可憐東籬九日十日菊
南雲千里萬里天不知何處停蘭楫應憶攜壺幽賞愜
故人三徑還聚頭夕陽澹照黃蝴蝶

雙芝仙館翦燭集分杜牧九日齊山登高詩江涵
秋影雁初飛句得影字

酒杯過節未曾冷秉燭而游忘夜永細較秋來瘦若何

一屏人影黃花影

又拈江字韻戲調裳川

長安落葉撲書窗可有一吟流淚雙門外寒波如渭水
秋風吹瘦賈長江

慕萊堂詩清國李藝淵維翰囑題

慕萊堂所慕者乃老萊子胡爲慕之曰孝矣椎牛而祭
親不在何若親在時作嬰兒啼父兮母兮喜一解葩經三
百篇笙詩何以亡或有其義痛于蓼莪者聖人臨述心
彷徨束哲補之亦何益南陔白華空鏗鏘二解有潘安仁
洵堪羨板輿奉母河陽縣臨江太守欲效不能瞻雲倍

依戀五馬踟躕淚如霰三解 彼蒙者山云是老萊之所栖
 谿壑忽然楓葉赤母乃班爛舞袖昂復低構堂其下擬
 迎養慕焉而已意慘悽嘻父兮母兮四解 明年母病篤遠
 道何繇割股肉蒼黃奔計嚴親大暮復何促車輪腸轉
 心急徒輾轉入門但聞弟妹哭桐棺未蓋望兒歸一鏡
 凝綠如淚目五解 湘水瀾瀾湘山峨峨水可竭山可崩慕
 萊之心不可磨隲詞重華涕泗滂沱帝亦孺慕奈若何
 老萊老萊天倫樂事爾乃獨有千古理則那六解 慕萊堂
 崇孝祀徵諸詩文略如是太守者誰十八子世家蟠根
 良有以或云老子是老萊我請為君重檢司馬史七解

十二月八日長醮亭言志會席上分韻得刪

夕陽湖上對孱顏本是梁家銷夏灣
 淺瀾闌低堪鬪鴨石橋水濺若鳴環
 柏紅前輩賞心地草碧先人葬骨山
 把臂相逢皆父執鐘聲隱在暮愁間

酒間和山田新川宜原韻即以言志

交情無若酒杯濃快活青蓮欲往從
 笑挽九天河倒落醉看四海水朝宗
 白頭人照蕭蕭影青眼山含澹澹容
 只願三生長訂約湖心同聽一樓鐘

土肥鶚軒博士慶歲招飲香雪軒即賦言謝

潔尊高會接佳音笑問酒杯深不深
 略脫名場才子氣

纔窺書卷古人心拚將蜡臘消絲竹先箇鶯春集履簪
後夜垂垂香雪動醉看星彩照文林

十六日一半兒集分韻得湘卽賦贈禾原

時禾原自
湖南歸

想君佳句滿奚囊香似美人香草香應是怕聞絃廿五
等閒隨雁別瀟湘

除夕祭詩龕與裳川同用張船山鳳縣除夜詩韻

少小詩爭字字新詞傷贍富意嫌貧漸窺宗旨違時調
卻怕聲情貌古人融會不關何代格操持略認自家真
傾杯一祭酬今夕四十明朝爛醉春

槐南集卷二十

槐南集卷二十一

東京 森大來 公泰

壬寅

新年梅

谿壑忽回姿春風見一枝旋從籬落出渺與水流期向
暖芳猶早衝寒意未疑江隨疏柳渡驢傍小橋騎明月
前身是佳人獨立誰乾坤看已改空色兩相宜爲有巡
檐興同尋踏雪詩暗香吹滿袖吟到試鐙時

雙芝仙館人日翦燭集裳川有詩因和之

隨處騰騰醉便春拜年無若酒千巡詩情菜徑微生甲

世味椒盤大有辛人日同雲天黯澹梅花小院雪清新
翦鐙圍坐邀心賞只此風流翰墨因

又分人日題詩草堂得草字

梅花先占春風早斜抱一池春水繞川想淵明詩上游
塘尋靈運夢中草

又戲賦六言以人日題詩草堂爲韻

酒中能事全畢世外春風自新暗暗花香脈脈斜斜竹
影人人

風雅休嗟寂寥文章那患蕭瑟等身著述年年到手杯
觥日日

黃昏雪驟風驟綠野松低竹低要看初梅的的端憑妙
手題題

怱怱除日元日仄仄三枝兩枝對酒君須畫畫翦鐙吾
且詩詩

天若有情盍老生惟作達真好休嗤屢舞傴僂且慰勞
人草草

簾櫳柳絮纔撲院落梅花正香幸免風塵逐逐醉忘歲
月堂堂

永井禾原招飲花月樓卽席謾賦兼呈蔡和甫
使鈞

華堂芳醪許追隨燭耀珠槃酒滿卮地主蓬萊邀款晤
使星雲漢喜相知會隨伊侯在滬星使遇待極般

文章家世中郎學花月因緣幼婦辭長記春風小垂手
疏梅錦雪舞離披妓持花傘而舞故云

玉池一半兒詩社雅集席上分韻得曾

黃衫說劍俠游曾李十郎才吾未能孤負佳人紫釵墮
梅花影裏上元燈

紀事詩

天寶出師小勃律忽風四起天慘栗雪中凍合四萬人
蕃漢生還惟各一久詫異聞傳西陽寧知奇禍烈今日

古奧之野餓鴟啼猛聽城頭吹筆策全軍椎鼓衝雪行
此時未覺氣蕭瑟將軍髯磔奮蝟毛勢如愬下蔡州日
健兒踊躍拍斗從笑看火自鼻端出盡言快比擊黃塵
霹靂鳴弓馬蹄疾豈意生坑轉瞬間穿機所伏真難必
陰風吹刮八甲山雪積嶮岫冰嶮嶮可憐無數玉鬪體
鑄出虎頭燕頤質猶坐劍樹刀山中挺然強項恥屈膝
四肢如鐵髮如針何人聞之不膽慄謾恨輕生非戰場
儻令破敵敵皆慌今異唐室窮兵年聞道天恩賜優卹
人間唱徧苦寒行那似從軍凍死卒謝庭柳絮且休吟
党帳羊羔難盡述不為袁安亦幸哉吾輩圍鑪環堵室

江木冷灰博士或檀欒第一集席上次石埭韻

天寒翠袖暗藏春消息何須問水濱鄭板橋輸筆尖瘦
金冬心較墨痕新梅花妙畫畫中畫明月前身身外身

一自玉池呵凍寫檀欒竹下覺情真

石埭持贈墨梅故有此作

三月初六日送阪本三橋太守赴任福井縣二十

二韻

憶我卅角友好惡往往乖豈無出處異因以滋譏排君
獨皎如玉蘊真伊可懷清襟散蘭雪終始無離佩與君
昔同榻陋庵鐙火齋夜半發吟嘯放浪忘形骸雪竹搖
戶牖梅月如橫釵消寒覓險句敲字相劇挨讀書事揚

摧治璞資磨指青冥思縱翼蹙縮嗙栖蝸君才定千里
意不在豆稽良驥豈久屈神劍難可葬爾來二十載雲
梯陞歷階今拜二千石結佩垂青綬越前古北莊洞壑
連峻崖五馬所嚮處天掃煙嵐羸魚鹽利在海枳橘風
移淮喜君經世志終與功名偕春風花載塗黃鳥鳴啾
啾祖帳藹冠蓋自愧非其儕猶曳東郭履未夢南柯槐
蒼茫此焉別誰慰予寡諧

菊池惺堂味鐙書屋招飲讀其題味鐙書屋詩集
詩有感而賦

漁洋山人感舊集味鐙小印紅猶溼豈知味鐙書屋詩

味鐙書屋并收拾傳觀重別鐙影青延津龍化信有靈
因感人生動離索誰能遇合測沈冥

看梅於墨上途中值雨而歸飲八百松樓分韻得
支

嬾寒清曉笑支持欲雨欲晴無不宜也似玉人春帶酒
空濛看到午陰時

八百松樓醉賦用石埭墨水送春詞韻

緩擢問花去花影搖煙霏斜風細雨夕欲著漁蓑歸休
教艇子等閒盪怕減花香吹在衣

檀欒第二集和冷灰原韻

三月東風好鳥遷詩人醉倒麗人前玉臺硯啓瑠璃匣
畫舫花臨玳瑁筵鷗夢春應嬉在水茶煙味更澹于禪
錫簫聲裏重尋約徧賦清明寒食天

二十三日忽雪與裳川皎亭飲紅葉亭分亭名爲
韻得紅

春風驟吹雪四面梅花叢花飛雪猶在天意何迷濛幻
將頃刻景催人行樂同好蠟阮生屐笑踏香泥融寒消
忽如夢還仗杯酒功詩成雪不見花是燕脂紅

又分得亭字

雙斗招攜醉此亭春旗楊柳正青青人間可貴惟柑味

天上相知是酒星茶品也應如許
釀詩場到底不宜醒
何當漱玉鶯聲曉笑嚙梅花註水經

雙芝仙館剪燭集作雜句

雅集櫻桃落後陪綠肥紅瘦亦詩媒
隔林幽鳥頻相喚
猶有殘花一樹開

薄霧終朝閉綺櫺午陰如水晚冥濛
天心要博人憐惜
花上春寒特地風

容易韶光鷓鴣催怕教風雨劫春回
黃昏一霎還蕭寂
靜看飛紅點酒杯

右次禾原韻

誰言春色老江南瞥眼繁華看不堪
花事錫簫聲裏盡

可憐剛是月初三

衆香國裏笑相逢鶯語何圓蝶夢濃
錦繡江山麗于畫
并刀不用翦吳淞

右次夢山韻

院宇深沈花氣通遲吟不覺酒顏紅
詩成卻怪春寒峭
身在醪醑香雪中

右分韻得中

四月送土肥鶚軒博士隨小松邸往賀英皇加冕
大禮

大荒之山日月入金天白精光煜熠戴勝王母秋霜凋
其帝少昊新代立五方冠冕慶禮成萬宇干戈悅載戢
珠槃捧日盟已同瑞穗廟謨重協輯吾皇親簡天潢賢

西將遠極咸池滄羲和整馭若木嶺照到歐洲原與隰
君也隨節周咨諏中心每懷猶靡及乃知君子國交敦
平和所繫在讓揖駟蚪乘鷺雲霓開天門詖蕩海濤凜
仙雞碧樹蔥蘢間環球春風吹習習未雲是何龍動城
虹影當空五色集爲君鳳舞鸞自歌皇皇者華鹿鳴什
皆香園小集分園靜花留客爲韻得客

好風吹我來花下集中幘花光受日紅花影移泉碧我
同蝴蝶心一生花底客

檀欒第三集墨水舟中分韻得刪

俊約緣流弄碧潺扁舟要載好詩還波光灩與酒鱗鱗

樂影緩隨鷗意閒帘出一枝紅杏上鶯啼十里綠陰間
春風最是銷魂水向有殘花處作灣

濃春冶習未能刪復此隨君賦秉簡櫻筍廚開新水榭
木蘭舟載好雲鬢終朝花雨一聲磬後夜月波何處山
乍可茶煙同榻話王孫祠畔古禪關

又分韻得冬

金波穆入酒杯濃風自成文不用縫醉下春江花月夜
碧天無際但容容

香雪軒翦燭集禾原有詩率次其韻

深杯怯照鬢絲斜似水餘寒掩碧紗初老風懷雖未戒

少年綺語那堪誇枇杷門巷鶯兒酒鸚鵡簾櫳燕子家
偏喜催詩非擊鉢當筵紅袖語如花

席上分韻得刪

明燈燦燦照嬌鬟夜淺寒輕酒力孱只怕煙絲醉還軟
海棠紅意上眉山

圖南三橋兩明府招飲柳島橋本樓卽席分韻得
灰率賦道情聊以應景耳

餞春日日飽尊罍似此風流能幾回晉代賢如聯酒社
唐朝官盡有詩才蝶隨扇影過橋去草引袍痕度水來
照見筵前雙刺史夕陽笑語滿樓臺

一道春流滑似苔澹容與處錦筵開新蒲細柳沿隄長
乳燕鳴鳩拂檻回隔嶼澄江霞作綺有人麗句玉爲臺
尤憐水綠芷香好詩思居然見別裁

星岡茶寮送圖南太守歸長崎分韻得東

春隨人去別愁同連日芳尊送玉驄羣蝶夢魂庭草綠
一鵲時節野花紅展聯水意山情外衣在詩痕酒暈中
休怪今宵醉猶昨欲將蹤迹印泥鴻

欲往從君筑紫東昔游詞句未能工浦珠千里暮雲合
海鶴一聲春枕空明月仍應有情物美人亦是可憐蟲
何時同度相思曲分付江南盛小叢

檀欒第四集席上分韻得青

幽約壺觴竹下經翠廊移影入紗櫺君之姿態如人美
誰以琅玕贈我青一夕題詩何用選百年扶醉莫教醒
到頭無若檀欒樂任是蕭蕭雨滿庭

又賦一絕

醒何容易醉應難齊趁檀欒竹屋歡門外垂楊眠不起
雨絲微作麥秋寒

是日詩思甚苦不似前游賦此解嘲

自從花下放船游深慕生涯是野鷗看竹還思綠蓑釣
詩情多在水雲頭

五月一半兒集分韻得東

無可奈何花事終詩魂入夏只冥濛春愁未必消除盡
多雨綠蕪紅藥中

六月初二夜翦燭雅集分韻得文卽景言志

綠了詩天思不羣免教修竹有彈文未成霖雨展如許
蕉葉能生膚寸雲

又一首戲贈裳川

鈍蛙聒聒水泔泔也似江南雨裏聞竹傘椽鞋相料理
野航便好去從君

十二日檀欒第五集重用鐵笛道人花游曲韻

花游往夢終迷濛不及蜂蝶嬉春風依稀猶記巽亭裏
倭墮嬌鬟臨綠水可憐重來崔護門無復未嫁雲英裙
乃知烏兔難駐步古來神仙亦陵墓盍及斯時行樂來
檀欒高會倒百杯玉尊金罍水精盃琵琶箏篴簫鼓板
便妍者竹廂東西不可一日無句題任君奇才憑酒使
枚乘之七張衡四清風吹起鳳尾箋也勝樊川惆悵篇
又次冷灰原韻

二妙西游意不羣求田問舍亦詩動麤豪同說黃衫劍
俊逸誰論白也文豆種相思南國樹水滿舊夢巽亭裙
吟成轉愧龜年曲崔九堂前幾度聞

種竹海雪自鎮西
隨賦尉霏靈故及

十五日雨中甫里綺里觀菖蒲花即景分韻

薔薇芍藥等閒馨薛校書家冒雨經誰道聞名不曾識
菖蒲花發紫娉婷

平疇無際雨冥冥依約鶉聲樹裏聽行到野橋流水上
六人衫笠一齊青

一半兒集分韻得寒

追尋三十五年歡舊句星星夢裏看笑我桃花空卻扇
鍾情容易定情難

口占一首似石埭惺堂即索裳川和

獨速蓑衣一領輕黃梅時節任難晴與君昨日菖蒲里

橋雨谿煙畫裏行

二十五日雙芝仙館翦燭雅筵卽事賦呈

綠陰門外聽呼諠聞道慶雲罩鳳閣萬里丹山聲咫尺
中庭正長一桐孫

席上分韻得蕭

松枝塵尾笑相邀茗盃鐘香澹不消詩在一庭斜照裏
苔痕葉影綠蕭蕭

七月十一日同都門鴻儒碩彥邀飲清國吳擊甫

先生汝繪于東台酒亭卽賦長古一章呈政

九州之外瀛海涵海外更九天包函此言雖出鄒衍口

本非燕齊迂怪談如何四千餘載史宛如禹穴窅叵探
有山海經恣閱誕刑天干戚空趨趨劉安墜訓麟元注
徒爾奇譎資喇哈馬班以來外國傳遐裔要眇無人語
象胥重譯誰究詰別風淮雨紛差參鮮卑氏羌晉僭僞
吐蕃回紇唐子男運傾四海賦鼇抃德衰羣雄睜虎眈
疏虞多在不審敵虛詡貢物來珠蚌慢藏多盜古所戒
叩諸學者何嬰媿侈陳符瑞具謂聖太平寰宇供搜攬
一朝釁成錯難鑄割其版籍償戈鏃延陵先生經世學
潛心典籍非玩耽夙窺河圖括地象星宿耿耿元精含
雅以古文定伏勝韓非著
寫定尚書亦能新論追桓譚行己用世破

萬卷方知書味良醅醅湘鄉軍幕草快檄蓮池書院聞
妙醅儻論支那真學問魏源願絳井君三燕山昨遭百
六會兩宮宵旰憂如惓上林萬馬餵首宿廣廈一棟摧
梗枘時危佇見偉人至先生乃出藏書龕治安新策育
英俊坤輿文獻須訪覃鸞皇前戒望八極飄風晦靄雲
曇曇天津發軔遠求索扶桑暫稅虬龍驂觀風便從日
域始莫謂捷徑趨終南行周崑崙月竈外豈止問道崆
峒嶼直謠白雲醮王母直將王母醮游同樂前
近日和三島侍講句也將驅青犢隨老聃
蓬萊真人翳來御列仙儒爭接佩簪是時雨罷閩風敞
琪樹翠拖神山嵐觴醺流霞嚼甜雪碧湖荷葉搖蕪醜

坐中一儉不自揣長句覆瓿中心慙識韓有幸志嚮往
敢望傾蓋如之鄰先生胸早有成竹一言願回青子甘
方今兩國士相見動稱脣齒母乃慙鯨鯢移陸海倒立
百年難保戎馬倏雲龍矯矯合變化蛩蛩呿虛非所堪
不相沿襲各努力有剝斯復喉祛痰然後輔車自相濟
合離何用詢史儋

摯甫見和大用外腓真體內充令人未敢逼視惟
僕曹鄴淺陋謬以強秦見擬若無所酬或竟謂秦
無人也苦搜枵腹複製一篇白皓赤團趁韻而已
太古洞瀾鴻濛涵一球殼轉氣內函劬嫗覆育仗真宰

五洲皆作同日談天園九重孰營度仰看日月寧可探
羿妻私竊靈藥入夸父渴逐陽烏趨無數星辰安所繫
斗柄何揭箕舌哈璇璣玉衡謾在察周髀靈憲難詳諳
豈知泰西測圓術能以人力毫芒參坐窮父乾母坤象
易於一索而得男天文已精輿地晰咫尺萬里恣目眈
卻笑千年蠶勺者不知許事空瞰蚺混沌一鑿利馬竇
詫其精賅意實媿力排便道功聖學食古未化從所尃
破費精神事攷据不悟西極駸戎鏃梯山航海器日巧
黜浮崇實除荒耽公輸墨翟走且匿鬼出電入危萌含
琴絃不改尙膠柱殷鑑竊憂曹與譚而今鴻儒濟世出

深閔衆醉淪醪醺大道端倪氣磅礴文章穠郁菁華醴
時艱蒿日隱憂切興衰之故致意三慨然浮海腸內熱
何曾一日能忘惓自言口銜精衛石生意慘澹傷枯枿
猶將傾陽誓葵藿逍遙敢築避世龕願向虞淵挽羲馭
再瞻周孔聲教覃嗚乎風疾勁草見若人一現如優曇
自茲運會或一轉振作勢若追風驂展拓雍乾舊版籍
龍沙之西蔥嶺南自強要在撥雲霧五嶽一一呈青嶷
若遺其本廢儒術恐類魏晉尊莊聃僕曾破浪游上國
詩程浩蕩方投簪盧龍蜿蜒趨渤海居庸積翠飛煙嵐
形勝爲誰雄若許泣拜西苑芙蓉菴三省半非乾淨土

董龍雞狗真貽慙江山容易割豐沛圖書漫漶思僑鄰
今日誦君歌激烈臣酸常自希君甘悲自中來不可斷
移山誰謂愚公慙盤空硬語竝妥帖捫舌箝口吟偏倓
嗟予溝澮苦盈溢末力魯縞屨何堪胡爲扛鼎效絕贖
嘔心動欲成患痰一片精誠等巢谷公無止我循至儼
中元雨中祭詩龕一半兒集分韻卽賦

略陳瓜果爇鑪香云是中元夏未央怪底散絲幽砌雨
淒淒竹石不勝涼

濃雲壓樹夕陰成滴滴圓珠竹上明閒煞檐鐙秋一箇
不知何處有蟲聲

十九日吳攀甫京卿儗宅永田街與余家鄰竝偶
讀古歡堂集有移居詩和者甚盛因次其韻賦成
一篇寄似索和

環堵牆外班班車崇朝風雨誰移家眼前此屋久突兀
蕭艾漸長潛磨礮昨來灑掃忽無迹氣色有似高官衙
先生客中暫爲主三徑松石隨欹斜安排竹籬瓦鉢好
秋鮮決明階下花想見凭闌笑點筆芭蕉葉大翻墨鴉
喜追王翰卜鄰願催詩豈待街鼓擗急遣寸莛扣鐘呂
笙簧或一調皇媯

二十七日偕吳君喬梓赴玉池之招用前韻賦呈

仙翰陪駕李郭車去赴玉池居士家神飆飛影躡躩蹀
驥驟偏許驂磨饜入門塵誼杳然絕燕子撒壘蜂休衙
庭苔綠淨不可唾撐屋疏竹條條斜主人金粟擅三絕
一龕妙吐青蓮花殷勤勸客碧筩飯乘興不覺啼昏鴉
禹域真儒仰木鐸周宣石鼓能親搥酒酣笑作科斗字
鸞翔鳳翥追黃媧

檀欒六集海樓看漁卽景用冷灰原韻

飲追河朔亦佳哉暑氣全消積霧開白浪旋隨落帆下
蒼江同看打魚來疑行飛雨過巫峽恍嘯雄風坐楚臺
賈勇何人挺叉入霜刀切膾不停杯

風雨海樓酒酣興王又賦一首

聖世鳳麟安在哉麗京壇坫此筵開羣流盡向海中注
奇想忽從天外來氣與風雷改蛟窟功於文字傲雲臺
鯨魚一掣波瀾壯猛雨淋浪笑引杯

冷灰又有絕句卽次其韻

如此風波汎巨杯海天冥雨爲君開潮頭看看白於雪

日暮一峰青忽來

來青海雪二
君遲至故及

讀吳辟疆

啓孫

詩本偶獲一篇卽書其後還之

韓歐王蘇數大家讀盡縹緗三萬軸三才萬象雖牢籠
詩惟老杜爲歸宿豈知真成學杜者前有玉谿後山谷

有明諸公美捧心反令識者皆顰蹙臆殘膏不復存
虎皮羊質空刺促正法眼藏二百年一在桐城一常熟
豫章骨法撈楂枿樊南豐腴透肌肉寸心得失謾較量
要還少陵眞面目今讀吳郎一卷詩排風毛質穿楊鏃
祖鐙心印惜抱軒萬牛誰媿麟角獨悔予少小喜西崑
無題碧城傷麗縛二馮宗旨亦未窺何況江西氣森肅
行思改轍從執鞭霜空直與鷹鷂逐句不驚人死不休
他生免落泥犁獄

八月初三日苦雨悶坐適辟疆送到和章因疊韻
重寄兼似杜顯閣之堂顯閣前有風雨五古見示詩

中故云

有筆未得誅雲師直俾滂沱倒天軸愁霖十日不出門
窮巷昏昏思臥宿忽驚剝啄來新詩亦如天漢瀉厓谷
詞倒三峽吞五湖令我潢潦坐受蹙文章經世無二途
詩教溫敦戒迫促任君胸有過秦論落蒂會須待瓜熟
昨聞陳東頗上書擊姦欲啗孔壬肉虎豹白日蹲天闔
徒爲狂籲聳衆目自貽履尾啞人凶射不能中等亡鏃
庖丁滿志能躊躇藏刀乃擅奏伎獨小杜罪言風雨篇
悲歌忼慨洗穠縟君亦笙媧推禍源皮裏陽秋毋太肅
古來明膏多自煎不防沙蜮伺影逐敢以橄欖酬瓊琚

無使烏臺案具獄

讀深州風土記賦贈摯甫

兵事官制及河渠森然義例金石書休言用才限方域
披卷味同州土腴俗與荆楚歲時殊奇豈吳越春秋如
列眉數表尤可寶燦若宗廟陳璉瑚

遣唐使者裝滿車扶桑久珍張驚書王朝文囿資霑漑
浮豔猥瑣亦多腴千年人譜無差殊青錢萬選終何如

藝文願補游仙窟鐵網詎可遺珊瑚
張賢游仙窟一書係遣唐使所撰
者與白氏文集并稱蟬蛾天皇枕秘

我王朝文學之盛寔發源乎此雖海淫小說仍是
千年以上物不得與雜事秘辛等偽書同視也

八百松樓酒間擊甫戲效燈謎云日本背面美人

打詩經一句皆不能精著摯甫笑曰帶則有餘衆
稱其工妙即賦一絕

水如油碧酒如澗背面美人闌小凭他日思君衣帶緩
江樓長記製春鐙

天睽 并序

天睽美英皇也維明治三十五年即壹阡玖陌零貳
載八月九日英皇加冕禮成東海詩人遙賦二百言
以頌焉

天睽焉顧乃在西偏日之攸入古之虞淵今之王國維
邈列顛王居儲貳五十餘年爰紹厥祉受命于天

英蘇愛蘭王之甸服加拿濠西王之藩屬雄跨五洲威
懾歐陸聲教被漸厥猷翼翼載握帝符奄有身毒
蠢爾勃鴉狡肆陸梁不庭不共敢噪蝮蟾命整精銳以
靖封疆素甲日曜丹旆雲揚若注于燭若探于囊
荒服既平王乃加冕黼袞日月不明不顯于廟于郊于
宮于苑于康于莊徐行鳳輦用壯衆瞻用昭令典
東有豐洲日出之宇神孫御天運膺九五王會齊盟聖
功超禹夏雖舊邦今疏禦侮仗此聯衡保其疆土

天陞五章章十句

福原周峰囑題攝津福嚴寺古松卽賦四絕句相

傳後醍醐天皇自隱岐島還駐蹕寺中此松卽邀
睿賞賜蒼官護國四字額云寺在兵庫去楠公墓
不遠

天皇西狩駕方還玉坐松門涼月間夜半長風來萬壑
怒濤猶汨隱岐山

後凋心本惻無華轉瞬芳山事可嗟帝遣蒼官長護國
如何遶闕只櫻花

傾廈空憑一木支南朝鳥喚奈何時龍媒去盡楠公死
謾謾松聲萬古悲

翠羽金支光有無六龍于野血模糊大夫慘澹排雷雨

力盡攀髯慟鼎湖

十三日星岡茶寮邀飲福原周峰請吳君喬梓暨
杜顯閣李光炯德濟郭虞颺鍾湖來會

伏雨闌風喜暫閒東西耆碩接怡顏秋將桐葉先尋約
天爲詩人一破慳樹裏衆星銀漢水夢中千劫鐵圍山
循環國運關文運莫道蓬萊是別寰

星岡醺後二日玉池小集餞周峰西歸用其星岡
見贈原韻前日摯甫酬君句云坐中裙屐聯翩客
爭似芙蓉第一峰故詩中及此

彩筆干霄動帝京祖筵復訂玉池盟天知明日銷魂別

夜放涼蟾作意晴白雪芙蓉新擅譽雲漢客星久懸名
仰看鸞鷲俱鳴盛深幸吾儕聖代生

念七日偕吳摯甫柳橋酒樓觀煙火戲口占一律
曼衍魚龍壁上觀然犀一照俯臨闌空中乍現炎官傘
水面疑堆火齊盤用以相攻眞下策舉來爲戲本平安
那堪回首蓬萊殿烽燧當年立馬看

日前聞種竹有媧字韻詩疊到五篇而至今未蒙
開示不知何以見外如此戲依韻志慊卽寄非有
意角力也

老子昔駕青牛車望氣候之關尹家由來物類有相感

君看牝塵追牡麀田郎筆是介亭石奇峰劍戟來排衙
久知性癖類顛米胸亦磊落無偏斜良金藏鑛玉韞璞
不然恐使人眼花我今未食指先動爭肯嗜鼠同鴟鴞
若磁引鐵偶技癢石馬何曾傷斧擿不相送似亦無憾
慎莫石破天驚媧

讀種竹和答詩知其爲七疊韻因和見答

世間紛載鬼一車白日去瞰高明家我心本不愧屋漏
野性惟可羣麋麀玉炊桂薪難坐致豈免作吏趨朝衙
十年相知林下客箕踞白眼從渠斜坐對新詩覺形穢
君自出水芙蓉花九天玉霏彌六合壯彩騰翥黃金鴉

伶人執樂失鼓節浮雲游目忘操搥殆移我情有如此
寡匹未用憂媧媧

再和種竹見答不覺前後亦已五用此韻無補費
神幾於玩物喪志任君有十疊二十疊僕請從此
閣筆

何人閉門類造車不知世有投轄家鶴長鳧短各相似
我請縮項學麀麀儻教道子畫變相終南多接宰相衙
此時恨無禹鼎鑄但見巾服隨風斜山人獨免猿鶴怨
閒對淮南叢桂花紅塵席帽夢春水扁舟鳴鷓柔謳鴉
偕隱鮑姑更賢慧不須射雉穿經擿畫長寫倦洛神賦

笑許歌鼓徵夷媧

秋暑

大江敬香花月會
席上分韻得元

更闌不寐啓柴門仰看明星爛更繁
大火未流秋露白餘炎偏覺夜蟬喧
天邊銀漢難爲水筐底冰紈尙有恩
只怕來朝人晏起牽牛花上亦紅痕

啜茗雅集席上次韻贈辟疆

神龍挾雨一長吟豈比僧雛銅盃音句律真成
冰叩玉歸期且緩菊飄金青蘋汎水秋聲動綠樹圍園暮色沈
最喜山林杳冥裏移情得聽子春琴

莫向杞天懷隱憂眼看滄海久橫流名留政要千秋後

卒進須期百尺頭河朔豪筵胡不飲柏梁聯句偶方收
中興閒氣鍾斯席欲壓君家四百州

九月七日永井禾原招同石埭裳川及清國王

園

治本

齋于其逗子新墅對君山樓卽興率次原韻

海天詩卷擅吟秋楚尾吳頭一再游花月近回淞水權
暉陰坐擬岳陽樓忽聞欵乃煙中出欲采芙蓉木末求
那得相從理魚具乾坤長寄此生浮

管領瑠璃汗漫秋遠來攜我恣奇游雲龍追逐羣趨海
雷雨蒼茫四逼樓江上丈人吹笛過槎頭新語釣鱸求
倏然風靜波如席浩唱滄浪醉拍浮

風雨終朝洗素秋煙消日出愜清游仙山倒景排雙鬢
雲物奇觀聚一樓聖世巢由何用隱漁家皮陸且相求
擊鮮不作臨淵羨缸面鱗鱗綠酒浮

席上雜和

涪叟投荒萬里回當年奇句讓君才煙波較比瀟湘闊
一笑滄溟引入杯

茫茫巨浸看潮回不數玄虛作賦才誰卷巴陵洞庭險
袖歸東海小於杯

一曲紅綃日幾回風情漸老愧無才近來全斂琵琶手
嬾舉青春鸚鵡杯

彭國俊子作香
庭體詩故及

內池淡湖囑題其始祖益謙翁佩刀

經筵金竈兩難保南山雖錮不堅牢君看火事能如故
惟有傳家一寶刀

維摩經火事如
故而不為害

陰曆十四夜玉池一半兒集觴黃小宋觀察

璵于

酣雪亭先是小宋過訪見示其扇頭和擊甫作即
前日星岡齋集寰宇韻也因疊韻賦贈

扶桑汎影綠尊間喜見真人冰雪顏江夏宗風名夙識
金華仙訣意休慳一天詩夢雲中閣八月神槎海上山
徑欲梯空置懷袖爛銀盤涌大瀛寰

又雜次小宋詩韻

破浪來尋翰墨因當杯一笑酒霑脣芝槎舊夢披圖覓
鴻雪新緣把臂眞玉宇月搖如解佩珊瑚枝竿拂欲垂綸
謝君持贈團團影入握清風韻碧筠原作書團
扇見贈

杯中明月幻中眞仙島爭迎上國賓桂子天香飄此夜
雲鬢玉臂憶伊人輝於異土圓如故歌到同聲德有鄰
不是一番陰翳後爭能形影倍相親

借問蟾宮斫桂仙幾曾修就月團圓山河亦已經荒劫
世界還須照大千庾老樓頭多逸興坡公海外有奇緣
忻然笑換春婆扇佳話何當歐米傳

小宋囑題壯游圖記

今日黃筌蓬島住欲留眞迹徧仙寰爭詢鄉國珠爲海
笑指滄洲月若環爪雪隨鴻印梁苑鬢霜有吏識潼關
壯游更羨乘風後補畫金鼇縹緲山

古中秋湖心亭檀欒第七集賦一律并贈吳摯甫
時摯甫言旋在近

龍女吹簫夜出游檀欒高會好中秋揀枝烏鵲三珠樹
聽水霓裳七寶樓吳質不眠看露脚常儀無語惜刀頭
廣寒倒作湖心影墜粉蓮房暗自愁

又次冷灰韻

瀛海何虹現彩橋來儀喜引鳳鳴簫潛心擬究義文奧

悅耳羞聞鄭衛嬌偶值中秋詠巖桂誰還諸夏作陵者
爲君高挂軒轅鏡早掃陰雲鑑永宵

又次裳川韻

所謂伊人泝水看月光雖在不勝寒雲遮壯斧真堪斫
露積仙盤或可餐遙寄封箋救暮食苦吹長笛起蛟蟠
卻憐萬象陰霏裏烈烈天霜欲下難

九月二十一日永井禾原招飲來青閣同擊甫喬
梓黃小宋暨石埭裳川冷灰諸友在階前拍照畢
分韻得文口占卽興

秋庭拍取菩提照涼入芭蕉葉葉雲默識真禪本非樹

吾無隱爾木犀熏

又次小宋詩韻

頓忘霜愁侵鬢華陰蟲四面任渠譁團來芙蓉千秋雪
餐盡丹丘一道霞有客將填精衛石留人且醉碧山槎
蹴翻東海難爲水何似歸家飯熟麻

二十四日手島海雪招飲次韻并贈擊甫

幽巷子雲宅問奇聯襪來牆腰小棠瘦木末晚芙蓉開墨
有吹蘭氣案案庭憐詠絮才壁挂靜嫻女史一聯是擊甫姪女如歸天外客圍坐
笑傳杯

盍飲重陽酒茱萸醉插斜儘教風落帽笑見鬢吹華長

句思淵穎秋笳促漢槎歸期如可緩好再問陶家

席上次擊甫韻

欲效逍遙物外游憑誰一遣畫滄洲夕陽粉本依然好
不解江山若許愁

二十九日郵船公司總辦近藤恬齋歷平招飲即席

賦兼似擊甫小宋前日大風雨此夕雖晴風勢未息

驟雨飄風刮地橫秋空從此屬牢晴豈知蟻蝨梯天訴
也有龍蛇起陸爭東海狂瀾猶洶涌西山爽氣獨分明
翠微喜趁攜壺約不待黃花九日盟

席上吳辟疆示暴風雨七律一首即次其韻

一任盲風怪雨多閉門日飲只亡何有誰一掣摩天刃
如我猶疑應劫魔瀛海波濤追颺母漢家陵闕憶秦娥
疾雷本合破山去無奈宣尼歎斧柯

敬香花月會次田邊蓮舟木韻

此志蹉跎恨易乖江湖滿地亂蜚皆休從酒國秋悲宋
誰向詩天石補媧九日黃花三徑雨半林紅葉一肩柴
羨君療盡煙霞痼飽看南山爽氣佳

本田種竹招飲席上次其送吳擊甫詩韻即以為
贈是日湖山老人亦至而先回竟不見故有六句
不使英雄老草萊應無宮闕歎飛灰時危正急扶顛策

海倒偏須激濁才彭澤陶公松徑掃稽山賀老酒船回
若詢變雅變風變賴此吟人壇坫開

同摯甫訪湖山老人卽席次韻

魯殿靈光仰巍存飛車來訪夕陽村忽思三十年前事
釋子隨翁屢候門

菊池惺堂招飲席上次吳辟疆韻

日昏晴雨亦何常莫是天公不自量美酒此筵須徹夜
名園遲客過斜陽煙波百頃風潭靜匹練一條銀漢長
待放文章光萬丈難辭金谷罰千觴

古重陽檀欒第八集餞吳摯甫歸清國

積水蒼茫始欲愁臨行又就菊花秋停杯斗覺新寒峭
霜白朝卿日本裘

罷琴惆悵月依微墜葉猶疑雨打扉自是仙山煙霧重
倒巢教父掉頭歸

醉後次冷灰韻

先生去路是來程詩要虛無縹緲成秋月澄江知句法
天風海水悟琴聲重陽儘把萸爲佩明日休忘蝶有情
醉對黃花操一曲不能彈指現樓城

十月一半兒集用陳鵬年詩幅韻

竹露紛于雨松風不用琴園成陶菊趣壁動楚蘭心米

汗詩龕佛經聲祇樹林功夫思聖處卻忘酒杯深
席上分韻得真

菊笑驅馳九日身霜秋覺此盍簪真徑須同訪雲門寺
恣作青鞋布鞵人

壁揭陶梁林聯有南
游端爲訪雲門句

念五日春畝侯相華甲壽筵卽賦呈政

老圃秋容晚倍馨黃花一笑佐遐齡神仙爭奉英雄壽
雲霧仍烝嶽瀆靈海上滄波涵萬象沙頭綠酒倒雙瓶
應關絲竹蒼生意度曲松風自在聽

檀欒第九集次冷灰韻

秋水初波木葉枯流光儘向醉中驅雖然天遣冰蟾冷

不見人如金菊癯興到何妨歌斫地酒醒或怕渴吞湖
鬪寒擬續玉池句青女素娥俱未孤

又和冷灰醉後一絕原韻

愛古猶然不薄今檀欒喜此主人心豈無寐觸屏風倒
夜半吟聲入竹深

福島伊藤抱月華甲壽言吉野櫻山

醉囑

檻泉不讓谷簾清林屋煎茶對晚晴麋鹿交游真遠害
雲煙供養且移情籬邊菊裏丰茸色樹上瓢聞浙瀝聲
何日團蒲共湯鼎飽看書畫四縱橫

寄題金井金洞三嶽之莊次湖山翁原韻

聞說藍田墅林巒窈窕通鴉啼紅樹杪菊隱碧蘿中出
岫雲長在尋源水不窮知君有真意故卜輞川東

十一月一半兒集席上分韻得尤

客向聚星堂下集吾儕綺句似錢劉西崑體後無人續
誰是蘇梅誰是歐

檀欒第十集次冷灰原韻以道我情

鳳凰文彩麗朝陽夙昔桐花萬里長跌蕩闔閭調廣樂
昭回雲漢接明光風塵今老憐凡鳥鷗鷺相招醉百場
生怕山雞頻照影楚人重價爲渠忙

又分韻得元阪口五峰有自笑香山是再生之句

戲反其意而贈之

萬古潮陽筆力存少陵不作共誰論香山亦自追工部
只效田家老瓦盆

臘八日雙芝仙館翦燭集卽興和夢山近製韻

未覺蠟梅回一陽粥齋先已靜聞香僧歸澗道蕭蕭雨
松子無風自滿牀

又分韻得尤

鐘鼎煙霞孰是優要教大旨悟溫柔論詩未覺凡人遠
翦燭先忘雨夜愁琴外知音能合拍碁中敗局怕難收
輸贏儘賭乾坤破我輩銜杯笑不休

玉池臘集分韻得陽

寫出楂枒鐵石腸看君落筆不尋常那知妙格梅花外
圈就團團月亦香

除夕玉池祭詩龕戲賦此以資歡噱

高爇詩龕絳燭明梅花墨妙亂釵橫廿年熟面鬢如故
一醉低眉佛亦情老大纔真堪好色狂癡未免早知名
平頭四十今宵過賴保朱顏是酒醒

柳南集卷二十一

249
53

249
4
53

